



Sermon
Kxf. Dr. Numlaajtsheb Yaaj


“Yog Vim Li Cas Koj Thiaj Li Nrhiav Vajtswv”

Tenth Sunday after Pentecost
Our Savior Lutheran Church – Lansing, Michigan
8-1-2021

Thov txoj koobhmoov txojkev hlab thiab txojkev haumxeb pub rau nej sawvdaws los ntawm Vajtswv uas yog peb Leejtxiv uas yog peb tus Cawmseej Tswv Yexus Khetos. Asmees.

Yauhas 6:35, “Then Jesus declared, “I am the bread of life. Whoever comes to me will never go hungry, and whoever believes in me will never be thirsty – *Yexus qhia lawv haistias, “Kuv yog cov mov uas cawm tibneeg txojhia. Tus uas los cuag kuv, tus ntawd yuav tsis tshaib ib zaug li; tus uas ntseeg kuv tus ntawd yuav tsis nqhis dej ib zaug li lawm”* Nov yog Vajtswv Txojlus. (Cross-reference – Yauhas 4:14-15; 6:26, 48, 51; 7:37)

Illustration “Kev tsis totaub ntawm ib leejniam” [\(Show Dear Abby\)](#)



Ntev los lawm, muaj ib tus niamtsev sau ntawv mus rau “Dear Abby” hais txog ib leejniam uas nws tsis totaub txob nws cov menyuum. Thaum twg yog cov menyuum yuav tuaj saib nws thiab lawv txiv ces tsuas yog lawv xav tau ib yam dabtsi losyog xav tau nyiaj cov menyuum mam li tuaj xyua nkawd xwb. Thaum twg yog nkawd tus tub tuaj xyua nkawd ces yog tuaj thov nyiaj losyog txais nyiaj. Nkawd tus ntxhais los yeej tsis tuaj saib nkawd li, tiamsis thaum twg nws tuaj no ces tsuas yog koj tus ntxhais cov menyuum tuaj rau nkawd zov es tus ntxhais thiab nws tus txiv nkawd thiaj li zoo mus uasi losyog mus vacation xwb. Thaum twg cov menyuum xav tau dabtsi, ces lawv mam li tuaj saib niam saib txiv. [\(Show Important Date\)](#)



Qhov uas leejniam tsis totaub li yog ua li cas cov menyuum no twb tsis nco hu xovtooj tuaj haistias “Happy Birthday or Happy Anniversary” losyog twb tsis nco “Mother’s Days or Father’s Day” losyog cov hnuv tseemceeb uas yuavtsum tau hwm niam hwm txiv. Thaum cov menyuum xav tau dabtsi ces cov menyuum mam li nco txog haistias muaj niam muaj txiv. Cov hnuv tseemceeb ces lawv twb tsi nco li lawm.

I. Cov kwvtij hlab thiab movtshua, [\(Show searching for God\)](#)




peb puas nrhiav Vajtswv li cov menyuum nrhiav lawv niam lawv txiv yog thaum twg peb xav tau ib yam dabtsi? Peb puas yog tuaj hawm Vajtswv rau lub sijhawm uas peb xav kom Vajtswv pab peb xwb? Losyog peb nrhiav Vajtswv rau txojkev uas yog peb qhuas nws, hwm nws, thiab ua nws tsaug? Losyog peb nrhiav Vajtswv vim Vajtswv yog cov mov uas cawm txojhia? Yog vim li cas peb thiaj li nrhiav Vajtswv? [\(Show looking for Jesus\)](#)



Lub limtiam tag los no, peb nyeem Vajtswv txojlus haistias Yexus nyuam qhuav muab tsib lub mov ci thiab obtug ntse rau tshaj li 5000 leej tau noj tsau. Yog li ntawd thiaj li muaj ib cov txivneej coob coob mus nrhiav Yexus. Yog vim li cas lawv thiaj li nrhiav Yexus? Yexus qhia rau peb ntawm Yauhas 6:26 haistias, Jesus answered, “I tell you the truth, you are looking for me, not because you saw miraculous signs but because you ate the loaves and had your fill. – *Yexus teb haistias, “Kuv qhia tseeb rau nej haistias twb yog vim kuv muab mov rau nej noj tsau, nej thiaj tuaj nrhiav kuv, tsis yog vim nej pom tej txujci tseemceeb uas kuv ua.”* Cov tibneeg no tsis yog nrhiav Yexus vim lawv pom

haistias Yexus yog tus Cawmseej, tiamsis lawv pom haistias Yexus yog ib tus txivneej uas yuav pab tau lawv.

Lawv saib Yexus zoo li tibneeg ntiajteb tus vajntxwv, tus uas yuav pub tau lawv muaj nyiaj muaj txiaj thiab yuav ua txujci tseemceeb rau lawv pom. (Show want to see Jesus)



Ibtxhia pom haistias, Yexus yog ib tus txivneej zoo uas yuav pab lawv dim ntawm haiv tibneeg Loos. Vim lawv pom haistias, Yexus ntiab tau dab, pub tau mov lawv noj, thiab kho tau tibneeg muaj mob, Yexus yeej yuav ncaw cov tibneeg Loos tawm ntawm lawv tebchaws los ntawm tib ntsais muag xwb. Lawv tsis ntshaw txog txojkev uas yuavtsum kwv lawv tus ntoo khaublig tiamsis lawv ntshaw nqa ntaj nqa riam thiab nqa muv mus sibtua. Qhov no zoo sisthooj li tus niamtsev ua sau ntawv mus rau “Dear Abby” uas lawv tsua xav tau ib yam dabtsi ntawm lwmtus – nov yog khoom ntiajteb uas lawv yuav siv tau kom lawv tau raws li lawv lub siab ntshaw. Lawv tsuas yog nrhiav khoom ntiajteb tsis yog nrhiav khoom saum ntuj uas yog txojcia. (Show what are you looking for?)

II. Koj nes, koj nrhiav dabtsi?




Koj puas yog nrhiav Vajtswv rau lub sijhawm uas peb xav tau ib yam dabtsi xwb? Koj puas yog nrhiav Vajtswv thaum koj muaj mob los yog raug kev txomnyem? Koj puas yog nrhiav Vajtswv thaum koj tsis muaj nyiaj, poob haujlwm losyog nhiav kom haum koj siab nyob rau hauv lub ntiajteb no xwb? Ib cov xibhwb qhia hauv TV haistias, lawv yuav pab koj tau txojkev kajsiab lug, muaj nyiaj txiaj npluanuj yog koj xa nyiaj mus pab lawv lub ministry. Coob leej ntau tus raug dagntxias los ntawm lwmtus kom lwmtus xa nyiaj mus pab lawv tiamsis yuav kom lawv rov pab tus tibneeg ntawd lawv twb tsis quavntsej li. Txojkev ua li no yog los ntawm tibneeg txojkev nhiav khoom ntiajteb tsis yog nrhiav Vajtswv txojkev cawmdim. (Show I Don't have time)



Thaum twg yog ntuj qhuav thiab sov tuaj, tibneeg feem ntau thov kom Vajtswv tso nag los. Tibneeg coob leej tuaj koom thov Vajtswv ua ke ntawm tej tuamtsev, thiab ntau lub chaw kom Vajtswv tso nag los. Nej puas paub haistias, yam ua tibneeg thov #1 txhua lub caij ntuj sov yog dabtsi? Tibneeg tuaj hais rau xibhwb li no, “Xibhwb peb xav thov kom Vajtswv tso nag los.” Xibhwb yeej thov Vajtswv kom Vajtswv tso nag los, tiamsis thaum Vajtswv tso nag los lawm, cov tibneeg no puas nco qab ua Vajtswv tsaug? Yog xibhwb kom tibneeg pab ua dejnum – “thov koj pab qhia Sunday School” – tibneeg teb haistias, “Kuv tsis khoom.” Thov koj pab lwmyam dejnum hauv Pawgntseeg? No! “kuv

tsis muaj sijhawm.” Thov koj nco ntsoov tuaj rooj sablaj – No! kuv muaj lwmyam mus. Thov koj tuaj kawm Vajluskub – No! kuv muaj lwmyam tseemceeb dua li tuaj kawm Vajluskub. Cov kwvtij, thaum uas peb tsuas hais NO! NO! NO! rau Vajtswv xwb, ua li cas peb tseem muaj cai pheej thov Vajtswv ua dabtsi?

Vajtswv caw kom peb txhuatus yuavtsum nrhiav Vajtswv. Vajtswv caw kom peb coj peb tej lus thov los thov nws. Nws yuav teb peb tej lus thov. (Show John 6:27)




Tiamsis qhov tseemceeb yog Vajtswv xav kom peb thov yam uas tseemceeb rau peb. Vajtswv xav kom peb thov cov mov uas cawm tibneeg txojcia. Vajtswv xav kom peb nrhiav txojcia saum ntuj ceebtsheej tsis txhob nhiav yam nyob hauv ntiajteb no. Yexus thiaj li haistias, “Do not work for food that spoils, but for food that endures to eternal life, which the Son of Man will give you... - *Nej tsis txhob nrhiav tej mov uas txawj lwj, tiamsis nej yuavtsum nrhiav tej mov uas tau txojcia mus ibtxhis...*” (Yauhas 6:27). vim Vajtswv yog tus muab rau koj. Tau txojcia mus ibtxhis tseemceeb dua li ntiajteb txojcia uas muaj mob muaj nkees nrog rau kev tuag. Vajtswv cov koobhmoov tseemceeb duas li tej koobhmoov uas tibneeg khav haistias tibneeg muab tau. (Show Matthew 6:33)

III. Yexus haistias, “Seek ye first the kingdom of God, and its’ righteousness, and all these things will be added unto




you – *Xub nrhiav Vajtswv lub tebchaw ua ntej, thiab txhuayam kev ncaincees thiab txhuayam no yuav yog koj li.*” (Mathais 6:33). Koj yuavtsum xub nrhiav

Vajtswv txojkev hlub uantej. Koj yuavtsum xub nrhiav Vajtswv txojkev ncaincees los ntawm koj txojkev ntseeg. Nov thiaj li yog txojkev ua koj nrhiav Vajtswv. Kev ncaincees ntawm Tswv Yexus Khetos yog muab txojkev haumxeb rau koj. Nov yog txojkev zamtxim rau koj tej kev txhaum. Yog koj yuav nhiav Vajtswv koj yuavtsum xub nrhiav Vajtswv txojkev cawmdim uantej. (Show I am the bread of life – John 6:35)




Txojkev nrhiav Vajtswv yog ntseeg thiaj cia siab rau Yexus ua koj tus Cawmseej. Yexus thiaj li haistias, “He who come to me will never go hungry, and he who believes in me will never be thirsty. - “Yexus qhia lawv haistias, “Kuv yog cov mov uas cawm tibneeg txojsia. Tus uas los cuag kuv, tus ntawd yuav tsis tshaib ib zaug li; tus uas ntseeg kuv tus ntawd yuav tsis nqhis dej ib zaug li lawm” (Yauhas 6:35).

Ntau zaug cov tibneeg coj “glasses – tsoмиав” vim nws lub qhovmuag plooj thiaj tsis pom zoo lawm. (Show wearing glasses)




Lawv yuavtsum tau coj tsoмиав lawv thiaj pom kev ua tau haujlwm thiaj tsav tau tsheb. Ntawm tibneeg sab ntsujplig tibneeg feem ntau yuav plooj li tus tibneeg uas coj tsoмиав. Vim thaum Vajtswv pub yam zoo rau tibneeg, tibneeg tsis lees txais yuav yam ua Vajtswv pub ntawd. Peb tibneeg xum mus nrhiav cov mov hauv ntiajteb no heev duos li cov mov uas cawm tibneeg txojsia. Peb tos kom nag los tiamsis peb twb tsis txais yuav Vajtswv txojlus. Peb nrhiav nyiajtxiag hauv ntiajteb no, tiamsis tsis nhiav nyiajtxiag saum ntuj uas yog txojsia mus ibtxhis. Yog peb ua tibzoo saib, peb lub qhovmuag plooj lawm vim peb pom tsis tseeb. (Show John 6:29)



Yog li ntawd Yexus thiaj li los pab peb kom peb rov pom kev tseeb dua. Nws los pab kom peb nrhiav tau qhov tseeb. Nws tsis yog los tuag saum tus ntoo khaublig xwb tiamsis nws los ua kom peb pom haistias, peb yuav nrhiav tau Vajtswv txojkev vim Vajtswv tso Yexus los tuag cawm peb. Peb txojkev txhaum loj heev lawm, tsis muaj ib yam dabtsi uas yuav hloov tau losyog peb yuav them tau li. Thaum cov tibneeg nug Yexus haistias, “What must we do to do the works God requires?” Jesus answered, “The work of God is this: to believe in the one he has

sent – Peb yuav ua li cas thiaj ua tau raws li Vajtswv xav kom peb ua?” Yexus teb haistias, “Qhov uas Vajtswv xav kom nej ua yog nws xav kom nej ntseeg tus uas nws txib los.” (Yauhas 6:28-29). (Show John 6:35)



Yog vim li cas peb thiaj li nrhiav Vajtswv? Cov kwvtij hlub thiaj movtshua, cia peb nrhiav Yexus Khetos thiaj ntseeg nws vim nws los raug txojkev tsimtxom, tuag theej ntiajteb txojkev txhaum kom ntuj ceebtsheej thiaj li qhib rau koj thiaj rau kuv thiaj rau txhuatus. Nrhiav Yexus Khetos, nhiav yam uas qhovmuag tsis pom tamsimno tiamsis nrhiav lub neej txojsia yuav los yog los rau ntawm Yexus Khetos. Yexus thiaj li haistias, “Then Jesus declared, “I am the bread of life. Whoever comes to me will never go hungry, and whoever believes in me will never be thirsty – Yexus qhia lawv haistias, “Kuv yog cov mov uas cawm tibneeg txojsia. Tus uas los cuag kuv, tus ntawd yuav tsis tshaib ib zaug li; tus uas ntseeg kuv tus ntawd yuav tsis nqhis dej ib zaug li lawm”

(Yauhas 6:35) Vim li cas koj thiaj li nrhiav Yexus? Koj nrhiav Yexus vim Yexus yuav pub txojsia rau koj mus ibtxhis thiaj ibtxhis los ntawm koj txojkev ntseeg Nws ua koj tus Tswv thiaj tus Cawmseej mus ibtxhis thiaj ibtxhis. Asmees.

Thov kom Vajtswv txojlus pub rau peb sawvdaws totaub thiaj tau nyob kajsiab lug rau ntawm Tswv Yexus Khetos lub npe. Peb txhuatus uas yog Vajtswv cov menyuum peb sawvdaws hais: Asmees.